

**REFERAT FRÅ MØTE I PROSJEKTGRUPPA FOR NY KOMMUNEREFORM**

Tid: 7. november 2014 kl. 09.30-12.00

Stad: Samarbeidsrådet sitt møterom

Tilstades:

Renate Klepsvik	Austevoll kommune
Odd Harald Hovland	Bømlo kommune
Sigve Sørheim	Etne kommune
Siri Kløkkerstuen	Etne kommune
Wenche Tislevoll	Fitjar kommune
Harald Rydland	Fitjar kommune
Synnøve Solbakken	Kvinnherad kommune
Arve Opsanger	Kvinnherad kommune
Liv Kari Eskeland	Stord kommune
Magnus Mjør	Stord kommune
Tore Atle Humlevik	Tysnes kommune

Odd Henry Dahle	Prosjektleder
Reidun Rykkje	Samarbeidsrådet

Forfall:

Inge Reidar Kallevåg, Bømlo kommune – Kjetil Hestad, Tysnes kommune.

Saker:

- Sak 07/14 Prosessane i kommunane – metode for arbeidet i kommunane
- Sak 08/14 Gjennomgang av spørreskjema til kommunane
- Sak 09/14 Forholdet til fagrørsla
- Sak 10/14 Informasjonsstrategi
- Sak 11/14 Framdriftsplan
- Sak 12/14 Møteplan 2015
- Sak 13/14 Endring av møtedato frå 27. november til 12. desember
- Sak 14/14 Forhold til Fylkesmannen og KS
- Sak 15/14 Ymse
 - Representasjon i kommunane
 - Byregionprogrammet

Sak 07/14 Prosessane i kommunane – metode for arbeidet i kommunane

Prosjektgruppa fekk i møte utdelt eit skriv der ulike metodar for involvering var lista opp. Det vart i møte ikkje konkludert med kva metodar ein ønskjer å ta i bruk. Dette vil ein kome tilbake til i møte 12 desember.

Det kom likevel fram at folkemøte vil vera viktig å få til i alle kommunane. Dette vil ein laga ein felles mal for i møte 12. desember. Ein ser føre seg at kommunane arrangerer folkemøta i februar.

Det vart sett fram forslag om at ordførarane møter på folkemøta i alle kommunane.

Det vart i møte bestemt at prosjektleiar Odd Henry Dahle tek kontakt med fylkesmannen i Hordaland og ber om hjelp til å samanlikna data/utarbeida økonomiske analyser etter at undersøkinga i kommunane er ferdig.

Sak 08/14 Gjennomgang av spørjeskjema til kommunane

Det var ingen merknadar til spørjeskjemaet som er sendt ut til kommunane.

Sak 09/14 Forholdet til fagrørsla

Det vart i møte drøfta om fagrørsla har krav på representasjon i prosjektgruppa eller om dei berre skal inn i dei lokale gruppene. Prosjektleiar tek kontakt med KS og får avklara dette.

Stord informerte om at kommunen innkallar fagrørsla til utvida formannskap der saker som omhandlar kommunereforma skal drøftast.

Sak 10/14 Informasjonsstrategi

Prosjektleiar vil lage ei pressemelding med informasjon om prosessen og korleis ein tenker prosessen vidare. Pressemeldinga vil verta sendt ut til prosjektgruppa for godkjenning før den vert sendt til media.

Det vart bestemt at ein skal utarbeida ei nettside der all informasjon frå prosessen vert synleg. Samarbeidsrådet arbeider for tida med nye nettsider, der kommunereform er ein del. Denne skal vera ferdig til i slutten av november. Reidun Rykkje går i dialog med leverandøren av nettsidene til Samarbeidsrådet for å sjå om ein kan få kommunereform sida enno meir tydeleg, slik at ein ikkje treng å utarbeida ein heilt ny portal.

Det vil bli laga ei facebook side for prosjektet. Denne skal vera klar samstundes som nettsida er på plass.

Synnøve Solbakken utarbeider eit forslag til informasjonsstrategi som ordførarane tek stilling til i møte 14 november.

Sak 11/14 Framdriftsplan

Det vart i møte bedt om at prosjektleiar sjekkar ut korleis ein må legge opp prosessen for å gå "det lange løpet" og "det korte løpet".

Når dette er sjekka ut må det setjast inn i framdriftsplanen, slik at ein veit kva og korleis prosessane må gå for å rekke dei to ulike løpa.

Sak 12/14 Møteplan 2015

Det var ingen merknadar til møteplan for 2015.

Sak 13/14 Endring av møtedato frå 27. november til 12. desember

Møtedato vart endra til 12 desember kl. 09.00 på Samarbeidsrådet sitt møterom.

Sak 14/14 Forhold til Fylkesmannen og KS

Fylkesmannen og KS vil verta orientert om prosessen i Sunnhordland ved at dei får oversendt informasjonen som til ei kvar tid føreligg. I tillegg vil dei få innkalling og referat frå møta til orientering.

Sak 15/14 Ymse

▪ **Representasjon i kommunane**

Kvinnherad orienterte om at Peder Sjo Slettebø går inn som fast representant i prosjektgruppa for Arve Opsanger. Arve Opsanger vert vararepr. for begge repr. frå Kvinnherad.

Stord og Austevoll har ikkje valt representant i tillegg til ordførar. Dette kjem dei tilbake til.

Etne har valt Roar Gundegjerde som vararepresentant for Sigve Sørheim og Siri Klokkestuen.

Vararepresentantane får kopi av all informasjon som vert sendt ut.

▪ **Byregionprogrammet**

Wenche Tislevoll orienterte kort frå samlinga i Trondheim 3 og 4 november. Kommunereform og byregionprogrammet må sjåast opp i mot kvarandre. Analysearbeidet som vert utført i byregionprogrammet vil vera nyttig i arbeidet med kommunereform.

Det vart sett fram forslag om å invitere Distriktssenteret til eit møte i prosjektgruppa.

Neste møte i prosjektgruppa vert 12. desember kl. 09.00 på Samarbeidsrådet sitt møterom.

Sunnhordland, 10. november 2014

Odd Henry Dahle (s)
prosjektleder